

龍門志

天下

也龍

自夕

浮翠

於海

大巡

河北大學圖書館

編

河北大學圖書館藏 稀見方志叢刊

國家圖書館出版社



命河津令樊子初造鐵鍊惠及無
之勝槩也天下之人慕龍門之勝者

河北大學圖書館 編

河北大學圖書館藏稀見方志叢刊

6

國家圖書館出版社

第六册目錄

【乾隆】盤山志 十六卷首五卷（卷一至卷五）……………一

盤山志序

向於雍正年間奉

命敬謁

景陵往來薊野田盤山

色宜人蓋蓄於目且

沃於心矣而以程期
惟謹訖未登臨因索
智朴志書讀之嗤其
意求博而辭失冗夫
耕問僕織問婢山經

地志文士之事彼方
外流拘名象而濫碣
碣者何為哉踐阼以
後勅幾勤政日不暇
給閱四年而後一往

遊焉及一遊則峯之
秀泉之清松之蒼石
之詭日往來於吾懷
是猶未見君子怒如
調飢亦既見止我心



則夷矣嗣是規地建
園施金葺寺蹟之瘵
者日以舉境之幽者
日以出上
陵迴鑿每憩止焉夫山

川顯晦時有定數而
必待人以彰不數年
之間使田盤改觀者
余也而願茲寰宇風
未臻乎唐虞歲未餘

乎三九慝焉抱愧者
亦余也志盤山而請
序者其亦同余此心
也耶

乾隆二十年歲在乙

亥春正月朔之四日
御製并書



經筵講官太子少保協辦大學士事務戶部尚書世襲一等輕車都尉加四級臣將溥等上言
臣等奉

勅纂脩盤山志告竣恭呈

睿鑒臣等謹奉

表恭

進者伏以

璿圖協運清都啓羣玉之書

寶籙凝庥冊府播名山之籍惟興雲降雨千古鍾奇遂

范水模山一編志勝樂

盤山志

表

一

宸遊于靈囿第嘉頌于卷阿竹素垂光林泉煥采竊惟
奠六子之位良以成言宣萬物之功山為積德七
十有二詳其世祇傳玉檢金泥五千三百紀其名
何處璿房瓊室圖稱益地貢自瑤池嶽有真形携
來漢殿稚川之志幕阜世仰淵微景式之記廬山
語徵典則洵乎含氣布澤之所端賴纂言紀事之
篇峻于田盤顯由魏史溯田子春之高蹈塞近盧
龍讀鄴善長之遺書水垂素練千巖堆翠昔年曾
士馬屯雲一壁凌空今世則煙霞近日補山師之

籍志乘虛傳備

祕府之藏編摩敢後欽惟

皇帝陛下

德符濬哲

運啟文明

法健順于乾坤

合靜動于山水

翠華遙涖則翕河喬嶽悉入懷柔

雲罕近臨而陟巘在原適諧情性謂山名四正饒嶺

岫之鬱盤地本徐無望煙嵐而脩阻躔度上臨乎
箕尾版圖舊隸于幽燕二千仞塔影雲光勢臨大
野百餘里泉聲樹色脈隱太行雖磴道苔封古蹟
久存髣髴而山容黛展傳聞可任乖誣爰

命諸臣俾脩新志崇階拜手承

睿訓之喬皇小閣濡豪綜羣言以商榷時逾數月體具
十門夫其境接空同

祖武曾希于軒后壤通遼海

皇猷乃邁于唐宗結棟牖之松雲時承

慈豫瞻巖崖之丹翠齊煥

宸章宜冠簡編以存體要于是擬嘉陵之畫壁景各為
圖摹輞水之標題圖皆有說其他繪事所未及悉
歸名勝為旁羅日耀璇題建置則梵宮尤備名書
金管流寓與方外偕登有美藝文首先賡頌香分
蠹簡雲霞之思依然雨洗苔碑金石之聲猶在譜
昇平之景象物且滋豐紀歲月之緜長事存雜俎
亦稍陳其大概聊有裨于多聞薈以成編庶乎克
備發凡起例曾經

乙夜之觀援古証今用賁酉山之籍力加點竄去舊
本之繁蕪共事校讐掃傳聞之疑似溯深山千百
載上朝曦夕靄皆承

聖世之光華計寰宇億萬里中福地洞天會見山靈之
踴躍臣等藝托操觚職承橐筆階前聚米精詳遜
三輔黃圖掌上觀紋淹博非九州要略夙陪豹尾
得縱觀于花香鳥語之間幸傍

龍墀敢抽思于赤管隄麋之次恭蒙

聖鑒得罄愚衷伏願